



Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

Naalakkersuisunut apeqquq:

- 1. Nunatsinni ilagiinni sullinneqarnermi atorfillit palasit amigaataasut qassiuppat? Aammalu illoqarfinni sorlarni palasit amigaatigineqarpat?**
- 2. Palasit ilinniarsimasut qassit nunatsinni palasit atorfeqanngillat? Aammalu qinnuteqartarsimappata sooq atorfinitsinneqarneq ajorpat? Tassami ilagiinni sullissinermi palasit amigaatigineqarput.**
- 3. Ilanngullugu paaserusupparput misissuisoqarsinnaanersoq palasit ilinniarsimasut sooq palasit sulinninnertut? Sunalu aporfiusarnersoq palasit sulissagunik.**
- 4. Illoqarfiit qanoq amerlatigisunik palaseqassappat, illoqarfiit taallugit akineqarnissaa kissaatigaarput.**
- 5. Ullumikkut palasit qassit nunatsinni atorfeqarpat?**
- 6. Kiisalu ajoqit qassit nunaqarfinni amigaatigineqarpat?**

(Inatsisartunut Ilaasortaq Hans Enoksen, Partii Naleraq)

Tunngavilersuut:

Nunatsinni ilagiinni sullissisut pingaartumik palasit illoqarfinni arlalinni amigaatigineqarput, nalunngilarpullu palasit ilinniarsimasut arlallit nunatsinni pigineqarput taamaakkaluartorli qinnuteqartaraluarlutik atorfinissinnaanngitsut tusagassiorfinni ulluinnarnilu ilagiinniit tusartarpat.

Palasitut ilinniarsimasut amigaataagaluartut suna pissutigalugu palasitut sulinnginersut ilanngullugu soqutiginarpoq paasissallugu, nalunngilarpummi palasitut sulisinnaasut arlallit pigineqaraluartut.

Tassa ilagiinni sullissinermi aamma palasit allaffimmiutut atorput tamannalu tulluarpallaanngilaq tarnikkummi nukittorsaanissat suliassaraat, taamaattumik paasersunnarpoq sooq illoqarfiit ilaat ataasiinnarmik palaseqarnersut ilaatigummi aamma inuinnaagamik sulinerminni qasusassammata qanoq ikiorsiisoqarniarpa?

Kiisalu ajoqit amigaataappata qanoq iliornikkut tamanna aaqinniarnearpat? Tassami nalunngikkaluarparput ilinniartitsisoqartartoq, tassami timi peqqissoq pigineqassappat aamma tarnikkut ineriartortuarnissaq ilagiit suliniarfigineqarneranni malinnaasariaqarmat.